



UNIVERSITÄTS-
BIBLIOTHEK
PADERBORN

Universitätsbibliothek Paderborn

Westphalia Sancta, Beata Et Pia, Sive Vitæ Eorum Qui sua sanctitate et piis exemplis Westphalias illustrârunt

Complectens eorum vitas, qui certò aut verisimiliter Natione Westphali
reperiuntur cum titulo Sancti aut Beati

Strunck, Michael

Neuhusii, 1715

B. Theodoricus ab Osnabrugo Ordinis S. Francisci FF. Minorum
Conventualium

urn:nbn:de:hbz:466:1-28481

B. THEODORICUS de Osnabrugo

Ordinis S. Francisci FF. Minorum Con-
ventualium.

*Refertur cum titulo Beati in Martyrologio
Franciscano Arturi ad diem 6 Martii Leone Wolff
in Martyrol. Franciscano ad eandem diem, & in
Chronico Ms. Carthusiae Novae lucis S. Salvatoris
prope Ultrajectum, conscripto per Gisbertum Ru-
tenberg ibidem professum, in quo ita legitur: Ve-
nerabilis & piissimus vir Rudolphus Oude-
water per prædicationes devotissimas Beati
Theodoricus Osnabrugensis Ordinis Minori-
tarum, qui ut Sanctus à pluribus habebatur,
conversus est ad Ordinem Carthusianum.
Synopsis vitae ejus contexta est partim ex Trithe-
mio apud Arturum loc. cit. partim ex historia Ms.
Turckii ad annum 1495. Agunt de eodem Mar-
cus Vlyssiponensis 3 part. Chron. Minor. l. 7. c. 17.
Gnesnerus in sua Bibliotheca. Gonzaga part. 1.
orig. Seraphic religion & alii.*

Theodoricus natione Westphalus, patria
Osnabrugensis postquam in ordine San-
cti Francisci Fratrum, ut vocant, Conventua-
lium adolescentiæ suæ florem Deo obtulit.

Set, admirabilis doctrinæ ac sanctitatis exemplum fuit. Eum Joannes Trithemius, qui aliquando ipsius familiaritate & alloquio usus fuerat, adhuc viventem celebrat, ut [a] *virum omnium opinione & preconio Sanctum, ut in Divinis Scripturis maximè exercitatum, ut declamatorem sermonum popularium famosissimum*, cujus vitam communis sermo ut apprimè sanctam ac religiosam laudibus maximis in cœlum tollat. Eloquentiam habebat quasi ab ortu sibi congenitam, quam deinde disciplinis Rhetoricis & assiduo literarum studio non parùm expoliverat; tantâq; pollebat virtute in permovendis flectendisque auditorum suorum animis, [b] *ut Ecclesiasten illi similem Germania non habuerit. Alterum dixisses Tullium [c] aut Chrysostomum alterum*, nisi illi latino & græco; hic autem sermone Teutonico ad populum perorâset. Quæ de causa Hermannus ex illustrissima Landgraviorum Hasslo-Cassellensium familia Coloniensis Archiepiscopus, cùm Diœcesin suam ab omni vitiorum invalescentium lue expurgatam cuperet, eum totius Provinciæ suæ Prædicatorem constituit, missumq; per urbes ac oppida

U 2

jus-

[a] *Trithemius de viris illustr. pag. 176.* [b] *Trithem. ibidem.* [c] *Turckius ad annum 1495.*

jussit ubique ad plebem verba facere, pietatem promovere, peccata carpere, virtutem instillare, charitatem denique & amoris Divini flammam in hominum corda & mentes infundere. Et verò hoc officium vir ille Sanctus non modò suscepit promptè fortiterque; sed etiam eo successu, & animorum proficientium commodo deinceps executus est, ut pene ad audiendas illius conciones nullus accesserit, quin accepto vitæ sanctioris proposito melior sapientiórque regressus fuerit. Edidit rogatu ejusdem Archiepiscopi insignes quosdam piissimósque tractatus de Passione Domini, de quotidiano interiori exercitio, & alios similes, quibus tum odium hujus mundi, tum amorem rerum cœlestium instillaret; tandèmq; manipulis collectorum fructuum ad cœlos præmissis vitam suã sine beato clausit in Provincia Colonienfi, die ad quam Aucturus in Martyrologio Franciscano refert 6 Martii. Floruit anno 1495: sed annus obitus non reperitur apud Auctores supra citatos.

S. THIA